

UGOVOR O KUPOPRODAJI VOZILA

Zaključen dana 19.12.2022. godine između Ureda za zakonodavstvo Vijeća ministara Bosne i Hercegovine, ul. Trg Bosne i Hercegovine broj 1, 71 000 Sarajevo, kojeg zastupa direktor mr. Džemail Ćibo (u daljem tekstu: Kupac), s jedne strane, i Hyundai Auto BH d.o.o. Sarajevo, sa sjedištem u Sarajevu, na adresi Branilaca Šipa 4C, kojeg zastupa direktor Mirza Juzbašić, (u daljem tekstu: Prodavac), s druge strane.

PREDMET UGOVORA

Član 1.

1. Predmet ovog Ugovora je kupoprodaja putničkog motornog vozila za potrebe Ureda za zakonodavstvo Vijeća ministara Bosne i Hercegovine, u skladu sa sprovedenim postupkom konkurentskog zahtjeva dostavljanje ponuda za javnu nabavku: „Nabavka putničkog motornog vozila“ broj: 02-16-3-780-1/22.
2. Ponuda i cjelokupna tenderska dokumentacija, su sastavni i neodvojivi dio ovog Ugovora.

VRIJEDNOST UGOVORA

Član 2.

Kupac i Prodavac su saglasni da ovaj Ugovor realiziraju prema već definiranim uslovima u tenderskoj dokumentaciji i odabiru najpovoljnijeg ponuđača.

Ukupna ugovorena vrijednost ugovora iznosi 42.726,50 KM bez PDV-a, odnosno 49.990,00 KM sa PDV-om.

REALIZACIJA UGOVORA I ROK ISPORUKE

Član 3.

Prodavac se obavezuje da će u skladu sa sprovedenim postupkom konkurentskog zahtjeva za dostavljanje ponuda za javnu nabavku: „Nabavka putničkog motornog vozila“ izvršiti isporuku putničkog vozila najkasnije 30 dana od dana stupanja na snagu Ugovora o kupoprodaji vozila.

FAKTURIRANJE I NAČIN PLAĆANJA

Član 4.

Prodavac će izvršiti fakturiranje isporučenog vozila odmah po isporuci, a najkasnije u roku od 15 dana od dana isporuke.

Kupac će izvršiti plaćanje fakture u roku od 15 dana nakon isporuke vozila i ispostavljanja fakture za realizovani Ugovor, na transakcijski račun prodavca broj: 3383202250027141 otvoren kod UniCredit banke, ID broj: 4227162980008.

GARANCIJA KVALITETE

Član 5.

Prodavac se obavezuje da će putnička vozila koja će isporučiti Kupcu, biti označena i deklarirana u skladu sa važećim Zakonom o standardizaciji, Zakonom o vanjskotrgovinskom poslovanju, te drugim važećim propisima.

Garancija na putničko vozilo je minimalno četiri (4) godine.

Plan održavanja koji uključuje troškove redovnih servisa obavezan je u periodu važenja garancije, a minimalno za 120.000 pređenih kilometara.

UGOVORNE KAZNE I NAKNADA ŠTETE

Član 6.

- (1) U slučaju kašnjenja u isporuci roba, do kojeg je došlo krivicom odabranog Ponuđača, isti će platiti Ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 10 kalendarskih dana s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe.
- (2) Odabrani Ponuđač je dužan platiti ugovorenu kaznu u roku od sedam (7) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.
- (3) Ugovorni organ neće naplatiti ugovorenu kaznu ukoliko je do kašnjenja došlo usljed više sile.

VIŠA SILA

Član 7.

Ugovorne strane su saglasne da se u slučaju prekoračenja rokova izvršenja obaveza zbog razloga koji se ugovornim stranama ne mogu staviti na teret (razlozi više sile), rokovi izvršenja Ugovora produžavaju za vrijeme trajanja tih razloga. Ugovorna strana je obavezna da obavijesti drugu ugovornu stranu u roku od sedam dana od nastanka više sile.

ZAVRŠNE ODREDBE

Član 8.

Sve eventualne sporove ugovorene strane će rješavati mirnim putem, a ukoliko to nije moguće, isti će biti riješeni putem nadležnog suda u Sarajevu.

Član 9.

Za sve odnose i institute koji nisu utvrđeni ovim ugovorom, primjenjivati će se odgovarajuće odredbe Zakona o obligacionim odnosima.

Član 10.

Ovaj ugovor stupa na snagu danom potpisa i ovjere od strane ovlaštenih predstavnika ugovornih strana.


Član 11.

Ovaj ugovor sačinjen je u 4 (četiri) istovjetna primjerka, od kojih po 2 (dva) zadržava svaka od ugovornih strana.

Član 12.

Ugovorne strane su saglasne da su ovaj Ugovor pročitale i razumjele, te ga u znak saglasnosti potpisuju.

ZA PRODAVCA




ovlašteno lice



Broj: 2486 /22
Sarajevo, 19.12. 2022. godine

ZA URED ZA ZAKONODAVSTVO



mr. Dzemail Ćibo, direktor



Broj: 02-16-3-780-16 /22
Sarajevo, 19.12. 2022. godine